



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJAKOVË

Numri i lëndës: 2018:028686

Datë: 11.12.2018

Numri i dokumentit: 00186637

P.nr.556/13

NË EMËR TË POPULLIT

GJYKATA THEMELORE NË GJAKOVË-Departamenti i përgjithshëm, Gjyqtarja **Diana Sina**, me sekretaren juridike Lamije Kuqi, në lëndën penale kundër të akuzuarit N. Gj. nga fsh.O. P.K. Gjakovë, për shkak të veprës penale, vjedhje e shërbimeve komunale, nga neni 320 të KPRK-së, i akuzuar sipas aktakuzës të Prokurorisë Themelore në Gjakovë, me numër PP.nr.1900/2013 të datës 21.11.2013, pas mbajtjes së shqyrtimit fillestar me datën **07.12.2018**, në prezencën e Prokurorit të shtetit Armend Zenelaj, të akuzuarit, të njëjtën ditë mori dhe publikisht shpalli, ndërsa me dt. **11.12.2018** përpiloi këtë:

A K T G J Y K I M

I akuzuari **N. GJ.** i biri i Nd., i nënës D., e gjinisë D., data e lindjes ... në fsh.O. P.K.GJakovë, ku edhe tani banon, analfabet, pensioner, i vej-atë i 7 fëmijëve, i gjendjes së dobët ekonomike, shqiptar, shtetas i Republikës së Kosovës.

Ë s h t ë f a j t o r e:

Sepse: Në mes të datës së pa vërtetuar e gjer me dt.23.04.2013, me qëllim që vetit ti sjell përfitim pasuror të kundërligjshëm, ka shfrytëzuar në mënyrë të pa autorizuar energjinë elektrike, në atë mënyrë që është lidhur direkt jashtë njehsorit, duke anashkaluar njehsorin elektrik dhe pa mundur regjistrimin e saktë të energjisë elektrike të shpenzuar, gjendje kjo e konstatuar nga persona të autorizuar të distriktit në Gjakovë me dt.23.04.2013, me ç’rast të dëmtuarës K.-Distrikti në Gjakovë i ka shkaktuar dëm material në vlerë prej 162.93 euro.

- me çka ka kryer veprën penale të vjedhjes së shërbimeve komunale, nga neni 320 të KPRK-ës.

Gjykata në bazë të nenit 4, 17 par.1, 41, 46, 49, 50, 51, 52 par.5, 73, dhe nenit 320 të KPRK-së, si dhe nenit 365 të KPPK-së, i shqipton;

DËNIM ME KUSHT

Dënim me burgim në kohëzgjatje prej **3 (tre) muaj**, dhe dënim me gjobë në shumë prej **100.-(Njëqind) Euro**, të cilat dënime nuk do të ekzekutohen nëse i akuzuari brenda kohës së verifikimit në afatin prej **1 (Një) viti**, nuk kryen ndonjë vepër tjetër penale.

Shpenzimet e procedurës penale bien në barrën e mjeteve buxhetore të Gjykatës.

E dëmtuara K. - Distrikti në Gjakovë, për realizimin e kërkesës pasurore juridike udhëzohet në kontest civil.

A r s y e t i m

Prokuroria Themelore në Gjakovë, pranë kësaj gjykate, ka parashtruar aktakuzën PP.nr.1900/2013 të datës 21.11.2013, kundër të akuzuarit N. Gj. nga fsh.O. P.K.Gjakovë, për shkak të veprës penale, vjedhje e shërbimeve komunale, nga neni 320 të KPRK-së. Prokurori i shtetit në shqyrtimin fillestar ka qëndruar në tërësi pranë aktakuzës kundër të akuzuarit, andaj i ka propozuar gjykatës që i njëjti të shpallet fajtorë dhe të dënohet sipas ligjit.

Gjykata me dt.13.08.2014 ka lëshuar leterreshtim kundër të akuzuarit N. Gj. për shkak të veprës penale vjedhje e shërbimeve komunale, nga neni 320 të KPRK-ës, pasi që i akuzuari N. Gj. nuk ka marr pjesë në seancën e caktuar dhe Stacioni policor në Gjakovë, me shkresën me numër të ref.nr.04/1-03-GJ-S-220 të dt.11.08.2014 ka njoftuar gjykatën se i njëjti është kërkuar në shtëpinë e tij, nuk është gjetur dhe sipas informacioneve i njëjti jeton në Gjermani.

Me dt. 07.12.2018 Stacioni policor në Gjakovë, duke vepruar në bazë të leterreshtimit të lartë cekur ka sjell në Gjykatë të akuzuarin N. Gj. andaj është mbajtur shqyrtimit fillestar kundër të akuzuarit N. Gj. i akuzuar nga Prokuroria themelore në Gjakovë, për shkak të dyshimit të bazuar se ka kryer veprën penale të vjedhjes së shërbimeve komunale, nga neni 320 të KPRK-ës.

I akuzuari N. Gj. në shqyrtimin fillestar lidhur me fajësinë deklaron se e pranon fajësinë ashtu siç janë përshkruar në dispozitiv të aktakuzës, për të cilën vepër jam penduar pa masë por premtoi para gjykatës se të njëjtën nuk do ta përsërisë, shton se jam në gjendje të dobët ekonomike, si dhe për herë të parë paraqitem në gjykatës për një vepër të kryer penale por premtoi se do të jetë edhe hera e fundit.

Duke u deklaruar lidhur me mendimin lidhur me pranimin e fajësisë nga ana e të akuzuarit, prokurori i shtetit ka deklaruar se nuk e kundërshton pasi që i akuzuari ka pranuar fajësinë me vullnet dhe vetëdije të plotë dhe i njëjti ka kuptuar natyrën dhe pasojat e pranimin të fajësisë dhe se pranimi i fajësisë u bë në mënyrë të vullnetshme dhe se pranimi mbështet në faktet dhe provat që përmban aktakuza.

Në shqyrtimin fillestar gjykata ka vërtetuar këtë gjendje faktike: Në tërësi u vërtetuar se i akuzuari N. Gj.: Në mes të datës së pa vërtetuar e gjer me dt.23.04.2013, me qëllim që vetit ti sjell përfitim pasuror të kundërligjshëm, ka shfrytëzuar në mënyrë të pa autorizuar energjinë elektrike, në atë mënyrë që është lidhur direkt jashtë njehsorit, duke anashkaluar njehsorin elektrik dhe pa mundur regjistrimin e saktë të energjisë elektrike të shpenzuar, gjendje kjo e konstatuar nga persona të autorizuar të distriktit në Gjakovë me dt.23.04.2013, me ç'rast të dëmtuarës K.-Distrikti në Gjakovë i ka shkaktuar dëm material në vlerë prej 162.93 euro.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari, i cili në shqyrtimin fillestar vullnetarisht ka pranuar fajësinë, për shkak të cilës gjykata nuk ka administruar provat, gjykata ka ardhur në përfundim se pranimi i fajësisë nga i akuzuari është bërë në pajtim me nenin 248 të KPP-së. Gjatë pranimit të fajësisë gjyqtarja e vetme gjykuese konstatoi se i akuzuari ka kuptuar natyrën dhe pasojat e pranimit të fajit, pranimi është bërë vullnetarisht nga i akuzuari, pranimi i fajit mbështetet në faktet e çështjet që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lartë ka ardhur në përfundim se në veprimet e të akuzuarit formohen të gjitha elementet e qenies së veprës penale të përshkruar si në shqiptim të këtij aktgjykimi dhe për këtë ka vendosur që të akuzuarin ta shpall fajtor dhe të gjykojë në bazë të ligjit, e më parë duke vërtetuar përgjegjësinë penale juridike të saj.

Me rastin e marrjes së vendimit mbi dënimin ndaj të akuzuarit gjykata vlerësoi të gjitha rrethanat në kuptim të dispozitave të nenit 73 të KPRK-së të cilat ndikojnë në zgjedhjen e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit: gjendjen e dobët ekonomike, është pensioner, mosha e tij e shtyer, gjenja e dobët shëndetësore, pranimin e fajësisë, pendimin e tij dhe premtimin se në të ardhmen nuk do të kryejë vepra penale, sjelljet korrekte në gjykim, e sidomos faktin se për herë të parë ndeshet me ligjin, Gjykata ka ardhur në përfundim se me dënim me burgim në kohëzgjatje prej **3 (tre) muaj**, dhe dënim me gjobë në shumë prej **100.-(Njëqindë) Euro**, të cilat dënime nuk do të ekzekutohen nëse i akuzuari brenda kohës së verifikimit në afatin prej **1 (Një) viti**, nuk kryen ndonjë vepër tjetër penale, do të arrihet efekti dhe qëllimi i tij nga neni 41 dhe 50 i KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon e akuzuara.

Vendimi për udhëzimin e palës së dëmtuar në kontest civil, për realizimin e kërkesës pasurore juridike, është marrë bazuar në nenin 463 par.2 të KPPK-së.

Vendimi mbi shpenzimet e procedurës penale të bien në barrën e mjeteve buxhetore, Gjykata e mori në mbështetje të nenit 453 par.4 të KPPK-së, nga se detyrimi që ti paguaj shpenzimet procedurale do të rrezikonte gjendjen materiale të akuzuarit dhe personave që ata detyrohen të mbështesin materialisht.

Me sa u tha më lartë u vendos si në dispozitiv të këtij aktgjykimi, konform nenit 365 të KPP-së.

GJYKATA THEMELORE NË GJAKOVË
- Departamenti i përgjithshëm -
P.nr.556/13 me datën 11.12.2018

Procesmbajtësja,
Lamije Kuqi

Gjyqtarja e vetme gjykuese,
Diana Sina

UDHËZIMI JURIDIK: Kundër këtij aktgjykimi është e lejuar ankesa në afat prej 15 ditësh pas marrjes së aktgjykimit, në Gjykatën e Apelit të Kosovës në Prishtinë, nëpërmjet kësaj Gjykate.

Numri i lëndës: 2018:028686
Datë: 11.12.2018
Numri i dokumentit: 00186637